

mauritanien die mā ietz barbery nen-
net/ **A**ber das paradys ligt warlich in
orient vff ain höchsten berg/ von des
höhe fallende wasser ain grossen see
machen/ sal der wasser macht so gros
gedon vnd rosen/ das all bywoner
ungehörig geboren werden/ **D**ann es
ist so gross das es in den iungen kin-
den zerrüdt vnd enstelt der gehörde
geng/ **A**ls basilus sagt in exameron/
des gelichen auch Ambrosius/ **V**ffer
diesem see flüssent vier wasser als vff
ain brunen/ **N**amlich phison den mā
nennt gangen/ gion den man nennt
nilum/ **T**igris vnd **E**ufrates vō dē
im buch genesis gemeldt wirt/ **H**ie
mit achten wir gnüg geton haben vō
paradis/

U **D**as dritt capittel von des men-
schen leben vnd trübsal in diesem